

InFace Invest Group LTD

Global Gateway 8

Rue de la Perle

Providence, Mahé

Seychelles

official@infaceinvestgroup.com

www.infaceinvestgroup.com

Franšizni ugovor



Suvlasnici:

Mladen Pejić

Zoran Lazarević



Sklopljen dana * [REDACTED] 2019. u elektronskoj formi između kompanije InFace Invest Group LTD, u daljem tekstu (Kompanija), Global Gateway 8, Rue De La Perle Providence, Mahé, Republic of Seychelles, No: 197736, (www.infaceinvestgroup.com) kao davatelj franšize (u daljem tekstu : Davatelj) i

[REDACTED]
kao primaoc franšize (u daljem tekstu: Primaoc).

FRANŠIZNI UGOVOR

Ugovorne strane suglasne su da će poštovati sva pravila poslovanja i pravila ponašanja istaknuta na stranicama Portala, propisana od strane Davatelja. Ista pravila su promjenljivog karaktera uz obavezu Davatelja da unaprijed objavi promjene kroz sekciju za obavijesti na stranicama portala.

Član 1.

Davatelj franšize obavezuje se;

1. Ustupiti Primaocu isključivo pravo korištenja portala kompanije InFace Invest Group LTD, www.infaceinvestgroup.com (u daljnjem tekstu Portal), sa svim alatima i sistemima unutar osnovnih stranica i kontrolne ploče Portala sa ciljem stvaranja, razvoja i širenja online poslovno-društvene zajednice, registracijom novih članova, poslovanjem uz financijsku nadoknadu prema unaprijed utvrđenim postocima raspodjele profita, prodaje proizvoda i usluga kao i pokretanja i stvaranja svog poslovanja u okviru Portala.

Davatelj se obavezuje da će omogućiti Primaocu postavljanje osobnog poslovanja na Portalu uz reorganizaciju njegovog poslovanja i primjenu SFT21 sistema u svoje poslovanje uz dodatnu nadoknadu koja će biti utvrđena i dodana kao aneks ovog ugovora nakon postignutog dogovora i unaprijed isplaćene novčane naknade Davatelju za: prostor, infrastrukturu, programska i dizajnerska rješenja, zakup domena, hosting, marketinške usluge i sve dodatno po zahtjevu Primaoca, a na samostalnu odluku Primaoca što ne uslovljava rad i korištenje alata unutar Portala, SFT21 sistema, Marketinga, Plaćanja po kliku, Web Shop-a, Anketa i Kripto valute..

2. Da će Primaocu omogućiti online poslovanje koje je u potpunosti sistemski automatizirano uz određen način i model rada kao i model raspodjele sredstava franšizne naknade.

Franšizna ulazna naknada i Royalty Fee

SFT21 Franšizna ulazna naknada iznosi 1955 \$ te se plaća parcijalno kroz sedam obračunskih razdoblja odnosno na sedam rata (30, 25, 50, 100, 250, 500 I 1000 \$).

Prve tri rate franšizne ulazne naknade moguće je uplatiti u prvih 90 dana za vrijeme trajanja garancije na zadovoljstvo poslovanjem dok je preostale četiri rate moguće uplatiti isključivo nakon potpisivanja ovog ugovora.

Obračunsko razdoblje traje minimalno 30 dana odnosno može trajati i dulje, sve do uplate slijedeće rate, što se u sistemu naziva "nadogradnja".

Prvo obračunsko razdoblje počinje danom registracije Primaoca odnosno potvrdom e-mail adrese nakon izvršene registracije klikom na link "Potvrdi e-mail" kojom prilikom Primaoc zauzima prvo slobodno mjesto u strukturi raspodjele profita.

Po isteku obračunskog razdoblja sistem će automatski izvršiti nadogradnju korisničkog računa ukoliko je Primaoc u prethodnom obračunskom razdoblju zaradio iznos potreban za slijedeću nadogradnju.

Ukoliko Primaoc u prethodnom obračunskom razdoblju nije zaradio iznos potreban za slijedeću nadogradnju ima mogućnost manualne nadogradnje nadoplatom potrebnog iznosa ili može sačekati da sistem od zarade Primaoca sakupi iznos potreban za slijedeću nadogradnju.

ROYALTY FEE (stalna ili redovna franšizna naknada)

Uplatom posljednje rate franšizne ulazne naknade (ukupno 1955 \$) od ukupnog iznosa koji se generira u matrici Primaoca odvaja se 21 % na ime stalne franšizne naknade – Royalty Fee, dok je ostatak iznosa od 79 % namijenjen za zaradu koju ostvaruje Primaoc sukladno njegovom karijernom statusu.

Iznos koji kompanija dobiva na ime Royalty Fee namijenjen je za slijedeću nadogradnju Primaoca u maksimalnom iznosu od 1000 \$ dok je ostatak namijenjen za stvaranje novih sistemskih računa (SA).

RASPODJELA PROFITA

Raspodjela profita sistemski je automatizirana radnja prema kojoj Primaoc zarađuje kroz dva modela bonus zarada.

I MODEL

BONUS AMICITIAM – BA5% ILI PRIJATELJSKI BONUS

Primaoc dobiva 5 % na ime prijateljskog bonusa od iznosa koji uplaćuju svi članovi koji se nalaze deset linija iznad Primaoca u njegovoj osobnoj matrici (maksimalno 2046 članova, bez obzira na to tko ih je registrirao odnosno tko im je preporučitelj-sponzor).

Pregled članova u osobnoj binarnoj matrici Primaoc može vidjeti na stranicama portala Kompanije, u svojoj kontrolnoj ploči na linku "Mreža/Binarna matrica".

Od svakog člana koji uplati 30 \$ Primaoc dobiva 5 % od tog iznosa odnosno - 1,50 \$.

Od svakog člana koji uplati 25 \$ Primaoc dobiva 5 % od tog iznosa odnosno - 1,25 \$.

Od svakog člana koji uplati 50 \$ Primaoc dobiva 5 % od tog iznosa odnosno - 2,25 \$.

Od svakog člana koji uplati 100 \$ Primaoc dobiva 5 % od tog iznosa odnosno - 5,00 \$.

Od svakog člana koji uplati 250 \$ Primaoc dobiva 5 % od tog iznosa odnosno - 12,50 \$.

Od svakog člana koji uplati 500 \$ Primaoc dobiva 5 % od tog iznosa odnosno - 25,00 \$.

Od svakog člana koji uplati 1000 \$ Primaoc dobiva 5 % od tog iznosa odnosno - 50,00 \$.

Zarada po prijateljskom bonusu automatski odlazi u rezervni novčanik Primaoca dok se u njemu ne sakupi iznos potreban za slijedeću nadogradnju ili za povrat pozajmice (ukoliko je korisnički račun Primaoca opterećen prethodno primljenom pozajmicom).

Nakon što se u rezervnom novčaniku sakupi iznos potreban za slijedeću nadogradnju odnosno za povrat pozajmice ostala zarada, do kraja obračunskog razdoblja, odlazi u novčanik Primaoca.

II MODEL

BONUS COMMENDATIO - BC10%, BC20%, BC30%, BC35%, BC40%, BC45% i BC50%

(BONUS PREPORUKE ILI SPONZORSKI BONUS)

Primaoc dobiva bonus preporuke (BC) samo od članova koje je osobno registrirao kao svoje direktne članove – referale. Pregled svojih direktnih članova Primaoc može vidjeti na stranicama portala Kompanije u svojoj kontrolnoj ploči na linku “Mreža/Direktni referali”.

Kada direktni članovi Primaoca dobiju zaradu po prijateljskom bonusu, Primaoc kao njihov preporučitelj dobiva bonus preporuke (sponzorski bonus), koji zavisi od nivoa nadogradnje na kojem se Primaoc nalazi.

Prvi nivo - BC10%

Uplatom PRVE rate franšizne ulazne naknade od 30 \$ Primaoc stiče pravo na bonus preporuke od 10 %.

U ovom slučaju kada direktni članovi Primaoca dobiju zaradu po prijateljskom bonusu Primaoc će dobiti 10 % u visini njihove zarade odnosno Primaoc dobiva 0,5 % bruto uplate od svih članova koji se nalaze u matrici njegovih direktnih članova.

Npr. Kada direktni član Primaoca dobije 5 \$ prijateljskog bonusa (zato jer je jedan njegov član u matrici uplatio 100 \$) Primaoc kao njegov preporučitelj dobiva 0,50 \$ bonusa preporuke (što je 0,5 % od uplaćenih 100 \$)

Drugi nivo - BC20%

Uplatom DRUGE rate franšizne ulazne naknade od 25 \$ Primaoc stiče pravo na bonus preporuke od 20 %

U ovom slučaju kada direktni članovi Primaoca dobiju zaradu po prijateljskom bonusu Primaoc će dobiti 20 % u visini njihove zarade odnosno Primaoc dobiva 1 % bruto uplate od svih članova koji se nalaze u matrici njegovih direktnih članova.

Npr. Kada direktni član Primaoca dobije 5 \$ prijateljskog bonusa (zato jer je jedan njegov član u matrici uplatio 100 \$) Primaoc kao njegov preporučitelj dobiva 1 \$ bonusa preporuke (što je 1 % od uplaćenih 100 \$)

Treći nivo - BC30%

Uplatom TREĆE rate franšizne ulazne naknade od 50 \$ Primaoc stiže pravo na bonus preporuke od 30 %.

U ovom slučaju kada direktni članovi Primaoca dobiju zaradu po prijateljskom bonusu Primaoc će dobiti 30 % u visini njihove zarade odnosno Primaoc dobiva 1,5 % bruto uplate od svih članova koji se nalaze u matrici njegovih direktnih članova.

Npr. Kada direktni član Primaoca dobije 5 \$ prijateljskog bonusa (zato jer je jedan njegov član u matrici uplatio 100 \$) Primaoc kao njegov preporučitelj dobiva 1,5 \$ bonusa preporuke (što je 1,5 % od uplaćenih 100 \$)

Četvrti nivo - BC35%

Uplatom ČETVRTE rate franšizne ulazne naknade od 100 \$ Primaoc stiže pravo na bonus preporuke od 35 %.

U ovom slučaju kada direktni članovi Primaoca dobiju zaradu po prijateljskom bonusu Primaoc će dobiti 35 % u visini njihove zarade odnosno Primaoc dobiva 1,75 % bruto uplate od svih članova koji se nalaze u matrici njegovih direktnih članova.

Npr. Kada direktni član Primaoca dobije 5 \$ prijateljskog bonusa (zato jer je jedan njegov član u matrici uplatio 100 \$) Primaoc kao njegov preporučitelj dobiva 1,75 \$ bonusa preporuke (što je 1,75 % od uplaćenih 100 \$)

Peti nivo - BC40%

Uplatom PETE rate franšizne ulazne naknade od 250 \$ Primaoc stiže pravo na bonus preporuke od 40 %.

U ovom slučaju kada direktni članovi Primaoca dobiju zaradu po prijateljskom bonusu Primaoc će dobiti 40 % u visini njihove zarade odnosno Primaoc dobiva 2 % bruto uplate od svih članova koji se nalaze u matrici njegovih direktnih članova.

Npr. Kada direktni član Primaoca dobije 5 \$ prijateljskog bonusa (zato jer je jedan njegov član u matrici uplatio 100 \$) Primaoc kao njegov preporučitelj dobiva 2 \$ bonusa preporuke (što je 2 % od uplaćenih 100 \$)

Šesti nivo - BC45%

Uplatom ŠESTE rate franšizne ulazne naknade od 500 \$ Primaoc stiže pravo na bonus preporuke od 45 %

U ovom slučaju kada direktni članovi Primaoca dobiju zaradu po prijateljskom bonusu Primaoc će dobiti 45 % u visini njihove zarade odnosno Primaoc dobiva 2,25 % bruto uplate od svih članova koji se nalaze u matrici njegovih direktnih članova.

Npr. Kada direktni član Primaoca dobije 5 \$ prijateljskog bonusa (zato jer je jedan njegov član u matrici uplatio 100 \$) Primaoc kao njegov preporučitelj dobiva 2,25 \$ bonusa preporuke (što je 2,25 % od uplaćenih 100 \$)

Sedmi nivo - BC50%

Uplatom SEDME, posljednje rate franšizne ulazne naknade od 1000 \$ Primaoc stiče pravo na bonus preporuke od 50 %.

U ovom slučaju kada direktni članovi Primaoca dobiju zaradu po prijateljskom bonusu Primaoc će dobiti 50 % u visini njihove zarade odnosno Primaoc dobiva 2,5 % bruto uplate od svih članova koji se nalaze u matrici njegovih direktnih članova.

Npr. Kada direktni član Primaoca dobije 5 \$ prijateljskog bonusa (zato jer je jedan njegov član u matrici uplatio 100 \$) Primaoc kao njegov preporučitelj dobiva 2,5 \$ bonusa preporuke (što je 2,5 % od uplaćenih 100 \$).

KARIJERNI STATUS

Zarada Primaoca u sistemu limitirana je na osnovu karijernog statusa odnosno na osnovu broja direktno registriranih članova.

Primaoc koji je registrirao samo jednog (1) direktnog člana ima status "STARTER" uz limitiranu zaradu do 1000 \$.

Primaoc koji je registrirao dva (2) direktna člana – franšizera ima status "STARTER" uz limitiranu zaradu do 3000 \$.

Primaoc koji je registrirao tri (3) direktna člana – franšizera ima karijerni status "SREBRO" uz limitiranu zaradu do 10.000 \$.

Primaoc koji je registrirao sedam (7) direktnih članova – franšizera ima karijerni status "ZLATO" uz limitiranu zaradu do 20.000 \$.

Primaoc koji je registrirao četrnaest (14) direktnih članova – franšizera ima karijerni status "PLATINA" uz limitiranu zaradu do 50.000 \$.

Primaoc koji je registrirao dvadeset jednog (21) direktnog člana – franšizera ima karijerni status "SMARAGD" uz limitiranu zaradu do 75.000 \$.

Primaoc koji je registrirao dvadeset jednog (21) direktnog člana – franšizera od kojih je svaki na karijernom statusu "SREBRO" ima karijerni status "DIJAMANT" uz limitiranu zaradu do 100.000 \$.

Primaoc koji je registrirao dvadeset jednog (21) direktnog člana – franšizera od kojih je svaki na karijernom statusu "ZLATO" ima karijerni status "PLAVI DIJAMANT" uz limitiranu zaradu do 250.000 \$.

Primaoc koji je registrirao dvadeset jednog (21) direktnog člana – franšizera od kojih je svaki na karijernom statusu "PLATINA" ima karijerni status "PINK DIJAMANT" uz limitiranu zaradu do 500.000 \$.

Primaoc koji je registrirao dvadeset jednog direktnog člana – franšizera od kojih je svaki na karijernom statusu "SMARAGD" ima karijerni status "SFT DIJAMANT" uz limitiranu zaradu do 1.000.000 \$.

3. Da će Primaocu franšize omogućiti;

- Pristup SFT21 sistemu sa svim alatima, novčanicima, osobnoj binarnoj matrici, reklamnom materijalu, instrukcijama i svim ostalim stranicama na Portalu i unutar kontrolne ploče,
- Pristup edukacijskim paketima u vidu sedam predstava sa po sedam činova u roku od 21 mjeseca kroz sektor InFace Univerisitas,
- Pristup društvenoj mreži SFTyou (koja je u postupku izrade) uz mogućnost korištenja svih alata unutar svog profila, kao i mogućnost korištenja iste u svrhu reklamiranja svog poslovanja unutar Davalačevog poslovnog modela kao i za reklamiranje vlastitog poslovanja koje nije u vezi sa Davalačevim poslovanjem.
- Mogućnost sudjelovanja u stvaranju i razvoju “Web Shop“-a Kompanije na stranicama Portala kao i mogućnost postavljanja vlastitih proizvoda u “WebShop“ (koji je u postupku izrade) uz određenu dodatnu nadoknadu koju će biti bagovremeno određena od strane Davatelja,
- Mogućnost preprodavanja proizvoda iz “WebShop“-a za financijsku nadoknadu koju prodavatelj ponudi preprodavatelju (u ovom slučaju Primaoc) izraženu u postocima prilikom postavljanja proizvoda, sa čime je upoznat Primaoc prije preuzimanja linka za preprodaju,
- Mogućnost učestvovanja u popunjavanju anketa (u postupku izrade) uz određenu nadoknadu u zavisnosti od visine budžeta Kompanije tražioca anketa izraženu u postocima, sa čime je Primaoc upoznat prije početka popunjavanja ankete,
- Mogućnost rada na posjetama drugih web stranica uz financijsku nadoknadu kroz sekciju “Plaćanje po kliku“ (u postupku izrade), izraženu u postocima u zavisnosti od ponuđenog budžeta Kompanije tražioca posjeta na svojim web stranicama, sa čime je Primaoc upoznat prije početka obavljanja posjeta drugih web stranica koje su u ponudi,
- Mogućnost posjeta drugih web stranica kroz sekciju “Marketing“ (u postupku izrade) uz novčanu nadoknadu izraženu u postocima koju određuje Davatelj u zavisnosti od budžeta Kompanije koja se reklamira, sa čime je Primaoc upoznat prije početka posjete i reklamiranja web stranica,
- Mogućnost sudjelovanja u razvoju Davalačeve kripto valute (u postupku izrade) i ostvarivanju zarade kao i mogućnost upotrebe iste kao sredstvo plaćanja proizvoda i usluga kod svih naših poslovnih partnera koji će kripto valutu prihvatiti kao platežno sredstvo u prometu svojih proizvoda i usluga,
- Organizaciju rada i poslovanje po utvrđenim standardima i na propisan način utvrđen od strane Kompanije (što je diskrecionim pravom Davatelja promjenljivo), sa čime je Primaoc unaprijed upoznat, od dana registracije pa u narednih 90 dana u kojem vremenskom razdoblju Primaoc posluje bez ikakvog mogućeg rizika.
- Obrazovanje, sa ciljem odgovarajućeg poslovanja, što Kompanija obezbjeđuje kroz sektor InFace Universitas, koje obrazovanje nije obavezujućeg karaktera za Primaoca, već mu se nudi kao mogućnost da po vlastitom nahođenju prihvati ili odbije edukacijske tekstove i materijale koji su mu uvijek dostupni.
- Pomoć i podršku kao i odgovore na svako moguće pitanje u razumnom roku (maksimalno 7 dana) od dana podnošenja zahtjeva kroz sekciju određenu za podršku, sa kojom je Primaoc upoznat.

4. Kontrola rada Primaoca uz diskreciono pravo Davatelja da u svakom trenutku sankcionira Primaoca zbog nepropisnog odnosa prema Davatelju, načinu i modelu rada, koji je propisan i promjenljivog je karaktera od strane Davatelja, a koji se nalazi na stranicama Portala, sa kojima je Primaoc upoznat u vrijeme trajanja garancije (rok od 90 dana prije potpisivanja ovog ugovora)

5. Primaoc se obavezuje da nikome neće pokušati da proda podfranšizu jer će Davatelj reagirati i sankcionirati Primaoca isključivanjem iz Kompanije i trajnom zabranom pristupa.

6. Davatelj postavlja i određuje način poslovanja koji je automatiziran i ravnopravan u odnosu na sve članove dok se Primaoc slaže sa nultom tolerancijom Davatelja prema članovima koji na bilo koji način pokušaju da zloupotrebe sistem ili način poslovanja ili isti pokušaju negativnim konotacijama na bilo koji način obezvrijediti.

U takvim slučajevima kao protumjeru Davatelj će takve članove isključiti brisanjem sa zauzete pozicije i uskratiti im pristup svemu što posjeduju u Kompaniji bez obaveze isplate ostvarene zarade ili povrat novca.

Davatelj se obavezuje da će Primaocu priložiti dokaz koji je prouzrokovao ovakvu odluku te ga uputiti nadležnom sudu za ostvarivanje svojih prava ako smatra da je oštećen, što neće imati nikakav uticaj na Davateljevu odluku.

Preporuka je Kompanije da se Primaoc za svaku nejasnoću ili nezadovoljstvo ponajprije obrati Davatelju kao jedinoj odgovornoj strani kako bi se uzrok problema riješio u prijateljskom i zdravorazumskom odnosu, a nikako da se ne poseže za navedenim akcijama koje mogu prouzrokovati jednostrani prekid suradnje sa Davateljem.

Član 2.

Davatelj franšize može da primi u razmatranje zamolbu Primaoca o financijskoj pomoći ili podršci za organizaciju javnih skupova u režiji Primaoca, kojom prilikom Davatelj zadržava diskreciono pravo da istu zamolbu odbije ili prihvati.

Davatelj se u slučaju odbijanja zamolbe za financijsku pomoć ili podršku obavezuje da će pismeno, putem e-mail adrese pravovremeno obavijestiti Primaoca o donesenoj odluci na koju odluku Primaoc nema prava žalbe.

Član 3.

Primaoc franšize obavezuje se;

- da će kako u svoje ime tako i u ime Davatelja kao i svih članova Kompanije raditi za dobrobit i u korist svih te da njegov rad neće ugroziti poslovanje Davatelja kao i ostalih članova unutar Kompanije.
- da će poštovati sva prava i obaveze navedene u ovom Ugovoru
- da neće imati negativne konotacije na rasnoj, vjerskoj, nacionalnoj, političkoj ili seksualnoj pripadnosti unutar i izvan Kompanije,
- da se neće angažirati u financiranju terorizma, trgovine ljudima i ljudskim organima, nelegalne trgovine oružjem i oruđem, ubojstvima, zlostavljanjem, bavljenja prostitucijom i proizvodnjom bilo kojeg pornografskog materijala, trgovinom i proizvodnjom opojnim drogama, učestvovanjem u ratnim sukobima izvan teritorija svoje države kao plaćenik ili bilo kojim protuzakonitim radnjama za koje je propisana kazna zatvora u trajanju od 10 godina ili veća.
- da će se prema kompaniji odnositi kao “prema svojoj vlastitoj” te da će raditi u interesu Kompanije
- da će uložiti najveće moguće napore sa ciljem rasta franšiznog poslovanja i održavanja zajedničkog identiteta i reputacije franšizne mreže,
- da će u skladu sa svojim mogućnostima pružati potrebne podatke ili informacije svojim direktnim članovima kako bi im olakšao postupak registracije i verifikacije Kompanijskog korisničkog računa i registracije korisničkog računa platnih procesora kao i postupak kupovine aktivacijskog koda ili startnog paketa i ostalih prijeko potrebnih informacija na samom početku rada novih direktnih članova.

Član 4.

Za vrijeme trajanja ovog ugovora Primaoc može da surađuje sa drugim kompanijama i ostvaruje zarade u drugim poslovima kojom prilikom ima mogućnost da iste reklamira uz pomoć naših alata i sistema uz obaveznu diskreciju o našem poslovanju i identitetu naših članova. Takve informacije neće iznositi javno kako ne bi prouzrokovao probleme Davatelju ili bilo kojem članu naše Kompanije. Primaoc koji prekrši navedeno pravilo može biti sankcioniran trajnim prestankom poslovanja u kompaniji.

Član 5.

Ugovorne strane suglasne su da će se prema pojedinostima njihova poslovanja obostrano odnositi kao sa podacima poverljive prirode. To posebno važi za osnovnu dokumentaciju i za “know-how” poslovanje. Ugovorne strane će čuvati poverljive podatke od trećih osoba i nakon prestanka važenja ovog ugovora.

Član 6.

Prestanak trajanja ovog ugovora može nastupiti u slijedećim slučajevima;

- ako se bitno promijene okolnosti koje su postojale u vrijeme zaključenja ugovora, radi čega se ne može ostvariti svrha ugovora,
- ako jedna ugovorna strana ne ispuni neku od obaveza iz ovog ugovora,
- radi učinka više sile.
- na zahtjev Primaoca bez obaveze obrazloženja razloga raskida ugovora

Član 7.

U slučaju sporazumnog raskida ovog ugovora, ugovorne strane će podmiriti svoje obaveze nastale do dana raskida ugovora. Ako je do raskida ugovora došlo krivicom jedne ugovorne strane, druga ugovorna strana ima pravo na naknadu štete po općim pravilima obligacionog prava.

Član 8.

Pod višom silom u smislu ovog Ugovora smatraju se okolnosti koje su nastale nezavisno od volje ugovornih strana, a čije nastupanje ni pažljiva strana ne bi mogla izbjeći, niti bi njihove posljedice mogla otkloniti, ako su nastale poslije sklapanja ovog Ugovora i spriječavaju njegovo potpuno ili djelimično ispunjenje.

Kao slučajevi više sile smatraju se okolnosti i događaji koje arbitražna praksa priznaje kao slučajeve više sile.

Ako okolnosti koje predstavljaju višu silu traju dulje od dva mjeseca, ugovorne strane će se sporazumjeti o sudbini ovog ugovora, a ako do sporazuma ne dođe, ugovorna strana kod koje nije nastupila viša sila može raskinuti ugovor.

Član 9.

Nasljedno pravo Primaoca se ostvaruje u ostavinskoj raspravi u slučaju smrti Primaoca u kojoj treba da bude uključen i ovaj ugovor.

Od strane potencijalnih nasljednika očekuje se da će blagovremeno obavijestiti Davatelja kako bi se obezbijedio i zaštitio pristup računu pokojnog Primaoca i uskratila bilo koja zloupotreba do okončanja postupka. Po okončanju postupka obaveza je nasljednika da obavijeste Davatelja i dostave rješenje doneseno u ostavinskom postupku kako bi se promijenio vlasnik i obezbijedio neometan rad novog vlasnika.

Svako prešutno korištenje računa pokojnog Primaoca od strane drugih osoba smatrati će se zloupotrebom što daje Davatelju za pravo da primjeni sankcije po svom nahođenju a sa čime se slaže i Primaoc samim potpisivanjem ovog ugovora.

Član 10.

Primaoc ima pravo prodati svoj korisnički račun trećoj strani, kojom prilikom je obavezan blagovremeno kontaktirati Davatelja kako bi se obezbijedila promjena vlasnika i nastavak neometanog rada.

Kod prodaje korisničkog računa Primaoca trećoj strani, Davatelj nema nikakvu odgovornost za slučajnu ili bilo kakvu prouzrokovanu nastalu štetu kao ni za financijski dobitak ili gubitak jedne od navedenih strana.

Svako falsificiranje ili na bilo koji način protupravno preuzimanje tuđeg računa, smatra se zloupotrebom odnosno teškom povredom pravila poslovanja što je razlog raskida ugovora od strane Davatelja koji može da primjeni sankcije po vlastitom nahođenju a za koje neće snositi nikakvu odgovornost, sa čime se slaže i Primaoc potpisivanjem ovog ugovora.

Član 11.

Ugovorne strane će eventualne sporove koji mogu nastati iz ovog Ugovora riješavati prvenstveno sporazumno.

U slučaju da spor ne mogu riješiti sporazumno spor će rješavati sudskom parnicom u nadležnost suda u gradu Primaoca ili pred bilo kojim nadležnim sudom za ovu vrstu i način poslovanja.

Član 12.

Ovaj ugovor sačinjen je u dva istovjetna primjerka, po jedan za svaku ugovornu stranu.

Davatelj franšize:

Type text here

Ispred Kompanije

InFace Invest Group

Suvlasnik Mladen Pejić

Suvlasnik Zoran Lazarević



Primaoc franšize:

Vaš korisnički ID:

Vaše korisničko ime:

Vaša e-mail adresa:

Ime i prezime:

Vlastoručni potpis:

